



Na osnovu člana 64. stav (1) tačka b), člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 27.03.2016. godine, Centralna izborna komisija Bosne i Hercegovine je na 14. sjednici održanoj 31.03.2016. godine, d o n i j e l a

## ODLUKU o poništenju postupka

(1) Poništava se postupak javne nabavke usluga oglašavanja u dnevnoj štampi **na bosanskom jeziku - latinici u visokotiražnom dnevnom listu koji se distribuira na teritoriji Bosne i Hercegovine LOT 1** izvršen primjenom konkurentskog zahtjeva za dostavu ponuda broj: 07-2-16-3-70/16 od 10.03.2016. godine, jer nije zadovoljena svrha predmetne nabvke.

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 53/15).

## O b r a z l o ž e n j e

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-2-290-3-12/16 od 10.03.2016. godine. Primljene su tri ponude sljedećih ponuđača: „Oslobodjenje“ d.o.o. Sarajevo, „Avaz roto press“ Sarajevo i N.I.G.D. „Dnevne nezavisne novine“ Banja Luka.

Komisija za javne nabavke imenovana Rješenjem broj: 07-2-16-3-95-1/16 od 04.02.2016. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-69-9/16 od 27.03.2016. godine je u prilogu ove odluke) i uputila preporuku Centralnoj izbornoj komisiji BiH za poništenje postupka nabavke usluga – **oglašavanja u dnevnoj štampi na bosanskom jeziku - latinici u visokotiražnom dnevnom listu koji se distribuira na teritoriji Bosne i Hercegovine LOT 1**, iz razloga što nije zadovoljena svrha predmetne nabavke. Ukoliko bi ugovorni organ izvršio izbor ponude ponuđača **N.I.G.D. „Dnevne nezavisne novine“ Banja Luka**, po ponudenoj najnižoj cijeni usluge za **LOT 1**, a imajući u vidu cilj nabavke, znatan broj čitatelja koji koriste bosanski jezik – latinicu ne bi bio informisan o obavještenjima i informacijama iz nadležnosti Centralne izborne komisije BiH. Iz priložene dokumentacije nije se sa sigurnošću moglo utvrditi da bi bila ispunjena svrha nabavke. Upravo iz ovih razloga Centralna izborna komisija BiH je nabavku usluga oglašavanja u dnevnoj štampi razdvojila u tri lota: LOT1 oglašavanje na bosanskom jeziku – latinici, LOT 2 oglašavanje na hrvatskom jeziku - latinici i LOT 3 oglašavanje na srpskom jeziku – ćirilici, kako bi građani na području cijele Bosne i Hercegovine bili informisani i obaviješteni o oglasima Centralne izborne komisije BiH, u što većem broju na sva tri službena jezika i dva pisma koja su u upotrebi u BiH.

Uzimajući u obzir navedeno, odlučeno je kao u dispozitivu ove odluke.


### **Pouka o pravnom lijeku**

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet dana od dana prijema ove odluke.

Broj: 07-2-16-3-70-11/16  
Sarajevo, 31.03.2016. godine

Dostavljeno:

1. Ponuđačima 3x
2. Odsjeku za materijalno finansijske poslove
3. Na web CIK BiH
4. A/a



Predsjednik

Dr. Ahmet Šantić